

საქართველოს მთავრობის

დადგენილება №184

2016 წლის 18 აპრილი

ქ. თბილისი

„სამედიცინო საქმიანობის ლიცენზიისა და სტაციონარული დაწესებულების ნებართვის გაცემის წესისა და პირობების შესახებ დებულებების დამტკიცების თაობაზე“ საქართველოს მთავრობის 2010 წლის 17 დეკემბრის №385 დადგენილებაში ცვლილების შეტანის შესახებ

მუხლი 1

„ნორმატიული აქტების შესახებ“ საქართველოს კანონის მე-20 მუხლის მე-4 პუნქტის შესაბამისად, „სამედიცინო საქმიანობის ლიცენზიისა და სტაციონარული დაწესებულების ნებართვის გაცემის წესისა და პირობების შესახებ დებულებების დამტკიცების თაობაზე“ საქართველოს მთავრობის 2010 წლის 17 დეკემბრის №385 დადგენილებაში (სსმ, №168, 24/12/2010) შეტანილ იქნეს ცვლილება და დადგენილების №2¹ დანართის (სტაციონარული დაწესებულების სანებართვო პირობები) დამატებითი სანებართვო პირობების:

1. VII² ნაწილი ამოღებულ იქნეს.

2. XIII ნაწილის შემდეგ დაემატოს შემდეგი შინაარსის XIV ნაწილი:

„XIV	ორგანოს, ორგანოთა ნაწილების, ქსოვილებისა და უჯრედების ალების და/ან შენახვის და/ან გადანერგვის შემთხვევაში სტაციონარს დამატებით უნდა გააჩნდეს:	
1	ა) ორგანოს, ორგანოთა ნაწილების, ქსოვილების ალების და/ან შენახვის და/ან გადანერგვის შემთხვევაში, უნდა ფლობდეს ნებართვის დანართს – „ქირურგიული პროფილის საქმიანობა“; ბ) პლაცენტისა და ჭიპლარის სისხლის ღეროვანი უჯრედების ალების შემთხვევაში, უნდა ფლობდეს ნებართვის დანართს – „მეანობა“; გ) ოფთალმოლოგიური სერვისის ფარგლებში ორგანოს, ორგანოთა ნაწილების, ქსოვილებისა და უჯრედების ალების და/ან შენახვის და/ან გადანერგვის შემთხვევაში, უნდა ფლობდეს ნებართვის დანართს – „ოფთალმოლოგია“.	
2	მაცივარი ორგანოს, ორგანოთა ნაწილების, ქსოვილებისა და უჯრედების შესანახად.	
3	თირკმლის გადანერგვის შემთხვევაში, დიალიზის სერვისის უზრუნველყოფა.	
4	ადამიანის ორგანოთა, ორგანოთა ნაწილების, ქსოვილებისა და უჯრედების ექსპორტ-იმპორტის შემთხვევაში, საქართველოს შრომის, ჯანმრთელობისა და სოციალური დაცვის სამინისტროს წერილობითი თანხმობა.	



5	ცოცხალი დონორის გამოყენებით ტრანსპლანტაციის შემთხვევაში, საქართველოს შრომის, ჯანმრთელობისა და სოციალური დაცვის სამინისტროს ტრანსპლანტაციის საბჭოს წერილობითი თანხმობა.“.	

მუხლი 2

დადგენილება, გარდა პირველი მუხლის მე-2 პუნქტით განსაზღვრული XIV ნაწილის მე-5 პუნქტისა, ამოქმედდეს გამოქვეყნებიდან 30-ე დღეს. დადგენილების პირველი მუხლის მე-2 პუნქტით განსაზღვრული XIV ნაწილის მე-5 პუნქტი ამოქმედდეს გამოქვეყნებისთანავე.

პრემიერ-მინისტრი

გიორგი კვირიკაშვილი

